## 0.0.1 sīlasuttam

- 1. ye te bhikkhave bhikkhu sīlasampannā samādhi-sampannā paññāsampannā vimuttisampannā vimuttiñāṇadassanasampannā. dassanampahaṃ¹ bhikkhave, tesaṃ bhikkhūnaṃ bahukāraṃ² vadāmi. savanampahaṃ bhikkhave, tesaṃ bhikkhūnaṃ bahukāraṃ vadāmi. upasaṅkamanampahaṃ bhikkhave, tesaṃ bhikkhūnaṃ bahukāraṃ vadāmi. payirupāsanampahaṃ bhikkhave, tesaṃ bhikkhūnaṃ bahukāraṃ vadāmi, anussatimpahaṃ bhikkhave tesaṃ bhikkhūnaṃ bahukāraṃ vadāmi. anupabbajjampahaṃ bhikkhave tesaṃ bhikkhūnaṃ bahukāraṃ vadāmi. taṃ kissa hetu: tathārūpānaṃ bhikkhave bhikkhūnaṃ dhammaṃ sutvā dvayena³ vūpakaṭṭho viharati kāyavūpakāsena ca cittavūpakāsena ca. so tathā vūpakaṭṭho viharanto taṃ dhammaṃ anussarati anuvitakketi.
- 2. yasmim samaye bhikkhave, bhikkhu yathā<sup>4</sup> vūpa-kaṭṭho viharanto taṃ dhammaṃ anussarati anuvitak-keti. satisambojjhaṅgo tasmiṃ samaye tassa bhikkhuno āraddho hoti. satisambojjhaṅgaṃ yasmiṃ samaye bhik-khu bhāveti, satisambojjhaṅgo tasmiṃ samaye bhik-khuno bhāvanāpāripūriṃ gacchati. so tathā sato viharanto taṃ dhammaṃ paññāya pavicinati pavicarati parivīmaṃsamāpajjati.

<sup>&</sup>lt;sup>1</sup>pāham - machasam.

<sup>&</sup>lt;sup>2</sup>bahupakāram - syā.

<sup>&</sup>lt;sup>3</sup>dvayena vūpakāsena vūpakaṭṭho - machasam.

<sup>&</sup>lt;sup>4</sup>tathā - machasam, syā.

pts page 068

- 3. yasmim samaye bhikkhave, bhikkhu tathā sato viharanto tam dhammam paññāya pavicinati pavicarati parivīmamsamāpajjati, dhammavicayasambojjhango tasmim samaye tassa bhikkhuno āraddho hoti. dhammavicayasambojjhangam yasmim samaye bhikkhu bhāveti, dhammavicayasambojjhango tasmim samaye bhikkhuno bhāvanā pāripūrim gacchati. tassa tam dhammam paññāya pavicinato pavicarato parivīmamsamāpajjato āraddham hoti viriyam asallīnam.
- 4. yasmim samaye bhikkhave, bhikkhuno tam dhammam paññāya pavicinato pavicarato parivīmamsamāpajjato āraddham hoti viriyam asallīnam, viriyasambojjhango tasmim samaye bhikkhuno āraddho hoti. viriyasambojjhangam yasmim samaye bhikkhu bhāveti, viriyasambojjhango tasmim samaye bhikkhuno bhāvanā pāripūrim gacchati. āraddhaviriyassa uppajjati pīti nirāmisā.
- 5. yasmim samaye bhikkhave, bhikkhuno āraddhaviriyassa uppajjati pīti nirāmisā, pītisambojjhaṅgo tasmim samaye bhikkhuno āraddho hoti. pītisambojjhaṅgam yasmim samaye bhikkhu bhāveti, pītisambojjhaṅgo tasmim samaye bhikkhuno bhāvanā pāripūrim gacchati. pītimanassa kāyopi passambhati cittampi passambhati,

- 6. yasmim samaye bhikkhave, bhikkhuno pītimanassa kāyopi passambhati, cittampi passambhati, passaddhisambojjhango tasmim samaye bhikkhuno āraddho hoti. passaddhisambojjhangam yasmim samaye bhikkhu bhāveti, passaddhisambojjhango tasmim samaye bhikkhuno bhāvanā pāripūrim gacchati. passaddhakāyassa sukham hoti sukhino cittam samādhiyati.
- 7. yasmim samaye bhikkhave, bhikkhuno passaddhakāyassa sukhino cittam samādhiyati, samādhisambojjhango tasmim samaye bhikkhuno āraddho hoti. samādhisambojjhangam yasmim samaye bhikkhu bhāveti, samādhisambojjhango tasmim samaye bhikkhuno bhāvanā pāripūrim gacchati. so tathā samāhitam cittam sādhukam ajjhupekkhitā hoti.
- 8. yasmim samaye bhikkhave, bhikkhu tathā samāhitam cittam sādhukam ajjhupekkhitā hoti. upekhāsambojjhango tasmim samaye bhikkhuno āraddho hoti. upekhāsambojjhangam yasmim samaye bhikkhu bhāveti, upekhāsambojjhango tasmim samaye bhikkhuno bhāvanāpāripūrim gacchati.
- 9. evam bhāvitesu kho bhikkhave sattasu bojjhaṅgesu evam bahulīkatesu satta phalā sattānisaṃsā pāṭikaṅ-khā. katame satta phalā sattānisaṃsā: diṭṭheva dhamme

pts page 070

<sup>&</sup>lt;sup>5</sup>tasmiṃ - machasaṃ, syā.

pts page 069

patigacca<sup>6</sup> aññam ārādheti. no ce dittheva dhamme patigacca aññam ārādheti, atha maranakāle aññam ārādheti. no ce dittheva dhamme patigacca aññam ārādheti, no ce maranakāle aññam ārādheti, atha pañcannam orambhāgiyānam samyojanānam parikkhayā antarāparinibbāvī hoti. no ce dittheva dhamme patigacca aññam ārādheti, no ce maraṇakāle aññam ārādheti, no ce pañcannam orambhāgiyānam samyojanānam parikkhayā antarāparinibbāyī hoti, atha pañcannam orambhāgiyānam samyojanānam parikkhayā upahacca parinibbāyī hoti. no ce dittheva dhamme pațigacca aññam ārādheti, no ce maranakāle aññam ārādheti, no ce pañcannam orambhāgiyānam samyojanānam parikkhavā antarāparinibbāyī hoti, no ce pañcannam orambhāgiyānam samyojanānam parikkhayā upahacca parinibbāyī hoti, atha pañcannam orambhāgiyānam samyojanānam parikkhayā asamkhāraparinibbāyī hoti.

10. no ce diṭṭheva dhamme paṭigacca aññaṃ ārādheti, no ce maraṇakāle aññaṃ ārādheti, no ce pañcannaṃ orambhāgiyānaṃ saṃyojanānaṃ parikkhayā antarā parinibbāyī hoti, no ce pañcannaṃ orambhāgiyānaṃ saṃyojanānaṃ parikkhayā upahacca parinibbāyī hoti, no ce pañcannaṃ orambhāgiyānaṃ saṃyojanānaṃ parikkhayā asaṃkhāraparinibbāyī hoti, atha pañcannaṃ orambhāgiyānaṃ saṃyojanānaṃ parikkhayā sasaṃkhāraparinibbāyī hoti,

bjt page 150

<sup>&</sup>lt;sup>6</sup>paṭikacca - machasaṃ, syā.

11. no ce diṭṭheva dhamme paṭigacca aññaṃ ārādheti, no ce maraṇakāle aññaṃ ārādheti, no ce pañcannaṃ orambhāgiyānaṃ saṃyojanānaṃ parikkhayā antarāparinibbāyī hoti, no ce pañcannaṃ orambhāgiyānaṃ saṃyojanānaṃ parikkhayā upahaccaparinibbāyī hoti, no ce pañcannaṃ orambhāgiyānaṃ saṃyojanānaṃ parikkhayā asaṃkhāraparinibbāyī hoti, no ce pañcannaṃ orambhāgiyānaṃ saṃyojanānaṃ parikkhayā sasaṅkhāraparinibbāyī hoti. atha pañcannaṃ orambhāgiyānaṃ saṃyojanānaṃ parikkhayā uddhaṃsoto hoti akaniṭṭhagāmī. evaṃ bhāvitesu kho bhikkhave, sattasu bojjhaṅgesu evaṃ bahulīkatesu ime satta phalā sattānisaṃsā pāṭikaṅkhāti.